

BOSNA I HERCEGOVINA
 FEDERACIJA BOSNE I HERCEGOVINE
 NOTAR
 ELZA DILBER
 ŽEPČE

OTPRAVAK
 IZVORNICA

O D L U K A

**o osnivanju Javnog poduzeća „KOMUNALNO“ društvo sa ograničenom odgovornošću
 ŽEPČE**

(Prečišćen tekst)

Dana 17.06.2011. godine se preda mnom, notarom po imenu Elza Dilber, sa službenim sjedištem u Žepču, i poslovnim prostorijama u ulici Stjepana Tomaševića bb, obratio su se sa zahtjevom da notarski obradim njegovu izjave volje: -----

Gospodin Muhamed Jusufović, sin Uzeira, rođen 21.12.1959. godine, po zanimanju prosvjetni radnik, sa prebivalištem u Žepču, Željezno Polje br.242., JMBG: 2112959194270 ,
 (**Predsjedavajući općinskog vijeća, Općine Žepče**).-----

Gospodin Muhamed Jusufović postupa u svojstvu predsjedavajućeg općinskog vijeća, a u ime Javnog poduzeća „Komunalno“ društva sa ograničenom odgovornošću, Žepče, upisano u sudski registar Općinskog suda u Zenici **pod matičnim registarskim brojem subjekta 1-708**, jer želi da se izvrši usklađivanje upisanih djelatnosti sa Odlukom o klasifikaciji djelatnosti BiH (Sl.glasnik BiH br.47/2010.), i prečišćeni tekst o osnivanju Odluke -

PRETHODNI POSTUPAK

Prisutna stranka prezentira sljedeću dokumentaciju: -----

- Izvod iz sudskog registra broj: 043-0-Reg-06-001114 od 19.09.2006. godine,
- Rješenje Osnovnog suda u Zenici, broj 043-0-Reg-07-000313 od 19.02.2007. godine, na osnovu čega je notar utvrdila da je Javno poduzeće „Komunalno“ d.o.o. Žepče, upisano **pod registarskim brojem subjekta upisa broj 1-708** te da je kao osnivač upisana Općina Žepče-Općinsko Vijeće. -----
- Odluka o usklađivanju pravnog statusa JKP „Komunalac“ Žepče i o organizovanju postojećeg JKP „Komunalac“ Žepče u obliku društva sa ograničenom odgovornošću za obavljanje komunalnih djelatnosti od javnog društvenog interesa u skladu sa Zakonom o javnim poduzećima u FBiH i o promjeni naziva postojećeg JKP „Komunalac“ Žepče, broj: 01-25-42/06 od 23.05.2006. godine -----
- Odluka o određivanju i usklađivanju djelatnosti JP „Komunalno“ d.o.o. Žepče broj: 01-23-67/11 od 01.06.2011. godine. -----
- Uvjerenje o poreznoj registraciji Porezne Uprave – Kantonalni ured Zenica od 30.11.2006.godine , na osnovu čega je notar ustanovila da je Poduzeće registrovano pod identifikacionim brojem : 4218213900005, -----

Notar je upozorila stranku na mogućnost da notar lično izvrši uvid u sudski registar jer je od momenta izdavanja navedenog izvoda moglo doći do promjene upisanih podataka. -----

Prisutni izjavljuje da je to važeće stanje upisa i da nikakvih promjena nije bilo, te insistira da se notarska obrada izvrši danas na bazi stanja koje proizilazi iz navedenih sudskih rješenja.--

Postupajući kako je naprijed navedeno prisutni izjavljuje da je potrebno sačiniti izmjene i dopune Javnog preduzeća „Komunalno“ d.o.o. Žepče, u cilju upisa u sudski registar sljedećih promjena: -----

1. Usklađivanje djelatnosti sa Odlukom o klasifikaciji djelatnosti Bosne i Hercegovine (Službeni glasnik BiH", br.47/2010) -----

Prisutni se izjašnjavaju da zbog značaja promjena žele sačiniti prečišćen tekst Odluke o osnivanju Javnog poduzeća „Komunalno“ d.o.o. Žepče. -----

Prije današnjeg termina za notarsku obradu notar je predočila stranki nacrt Odluke .

Nakon što sam utvrdila da je stranka sposobna i ovlaštena za zaključenje namjeravanog pravnog posla, objasnila sam mu smisao i posljedice, te utvrdila njegovu pravu i ozbiljnu volju. -----

Prisutni je djelujući kako je naznačeno za notarsku obradu izjavilo sljedeće: -----

I OPĆE ODREDBE

Članak 1.

Ovom Odlukom, Općinsko vijeće općine Žepče kao osnivač **Javnog poduzeća „Komunalno“ d.o.o. Žepče** (u daljem tekstu: **poduzeće**), koje je upisano u registar Općinskog suda u Zenici po rješenju broj: 043-0-Reg-06-001114 od 19.02.2006. godine, u registarskom ulošku broj 1- 708, vrši sljedeću promjenu:

- Usklađivanje djelatnosti sa Odlukom o klasifikaciji djelatnosti Bosne i Hercegovine (Službeni glasnik BiH", br.47/2010) -----

Ovom odlukom se regulišu pitanja:

- oblik organizacije, firma i sjedište poduzeća, -----
- osnovni kapital i sredstva poduzeća, -----
- djelatnost poduzeća, -----
- upravljanje, -----
- međusobna prava i obaveze osnivača i poduzeća, -----
- odgovornost za vršenje djelatnosti, -----
- način finansiranja preduzeća i formiranje cijena, -----
- raspodjela dobiti, -----
- sanacija gubitka, -----
- unutrašnja organizacija, -----
- javnost rada -----
- način prestanka postojanja poduzeća. -----

II OBLIK, FIRMA I SJEDIŠTE PODUZEĆA

Članak 2.

Poduzeće nastavlja da posluje kao društvo sa ograničenom odgovornošću. -----

Firma - naziv poduzeća je: Javno poduzeće „Komunalno“, društvo sa ograničenom odgovornošću, Žepče. -----

Skraćeni naziv firme je: JP „Komunalno“ d.o.o. Žepče. -----

Sjedište poduzeća je: u Žepču, Ul. Željeznička broj 3.-----

Članak 3.

Društvo je pravno lice koje samostalno obavlja registrovane djelatnosti radi sticanja dobiti.

Javno poduzeće sklapa pravne poslove u okviru registrovane djelatnosti samostalno u svoje ime i za svoj račun.-----

Članak 4.

Poduzeće ima svoj pečat i štambilj.-----

Pečat je okruglog oblika, promjera 30 mm u kojem je koncentričnim krugovima latiničnim slovima ispisan puni naziv firme. Broj pečata, način upotrebe i lica ovlaštena za rukovanje pečatima utvrđuju se općim aktom koji donosi uprava poduzeća.-----

Poduzeće ima štambilj četverouglastog oblika, dimenzija 50x25 mm koji takođe sadrži puni naziv firme, a služi za ovjeru prijema podnesaka (Akata). Vrsta pečata i štambilja, način upotrebe i čuvanje uređuju se opštim aktom koji donosi uprava poduzeća.-----

Članak 5.

Sva poslovna pisma i drugi akti poduzeća sadržavaju sljedeće:-----

- punu firmu i adresu poduzeća.-----
- punu firmu i adresu sjedišta podružnice (ako postoji).-----
- naziv i sjedište institucije kod koje je poduzeće upisano u registar i broj pod kojim je poduzeće upisano u registar.-----
- broj računa sa nazivom i sjedište finansijske organizacije kod koje poduzeće drži račun (ukoliko društvo ima više računa navesti svaki od njih).-----
- porezni broj poduzeća .-----

III OSNOVNI KAPITAL I SREDSTVA JAVNOG PREDUZEĆA

Članak 6.

Osnovni kapital poduzeća iznosi **2.000,00 KM u novcu** (slovima: dvijetisuće/hiljade konvertibilnih maraka i 00/100KM) i **3.425.648,10 KM** (slovima: trimilionačetiristotinedvadesetpettisuća/hiljadašestočetredesetosamkonvertibilnihmaraka i 10/100) **u stvarima**, odnosno ukupno **3.427.648,10 KM** (slovima: trimilionačetiristotine dvadesetsedamtisuća/hiljadašestočetredesetosamkonvertibilnihmaraka i 10/100),-----

Članak 7.

Poduzeće može pribavljati dodatna sredstva i povećati osnovni kapital novim ulaganjima u novcu, stvarima ili pravima te reinvestiranjem dobiti, o čemu odlučuje osnivač.-----

IV DJELATNOST PODOUZEĆA

Članak 8.

Poduzeće će u skladu sa Odlukom o klasifikaciji djelatnosti Bosne i Hercegovine (Službeni glasnik BiH, br. 47/2010), obavljati sljedeće djelatnosti: -----

- 35.30 Proizvodnja i snabdijevanje parom i klimatizacija
- 36.00 Sakupljanje, pročišćavanje i snabdijevanje vodom
- 37.00 Uklanjanje otpadnih voda
- 38.11 Sakupljanje neopasnog otpada
- 38.21 Obrada i zbrinjavanje neopasnog otpada
- 42.21 Gradnja cjevovoda za tečnosti i plinove
- 42.91 Gradnja hidrograđevinskih objekata
- 42.99 Gradnja ostalih građevina niskogradnje, d.n.
- 43.22 Uvođenje instalacija vodovoda, kanalizacije i plina i instalacija za grijanje i klimatizaciju
- 43.29 Ostali građevinski instalacijski radovi
- 43.99 Ostale specijalizirane građevinske djelatnosti, d.n.
- 47.89 Trgovina na malo ostalom robom na štandovima i tržnicama
- 68.20 Iznajmljivanje i upravljanje vlastitim nekretninama ili nekretninama uzetim u zakup (leasing)
- 68.32 Upravljanje nekretninama uz naknadu ili na osnovu ugovora
- 81.29 Ostale djelatnosti čišćenja

Članak 9.

Poduzeće ne može vršiti promjenu djelatnosti iz članka 8 ove Odluke bez suglasnosti osnivača. -----

Poduzeće, uz saglasnost Osnivača, može biti osnivač Društva za obavljanje pojedinih registrovanih djelatnosti. -----

Članak 10.

Poduzeće može obavljati i druge poslove koji se javljaju uz poslove iz registrovanih djelatnosti ili koji služe djelatnostima iz člana 8. ove Odluke, ukoliko za to ima uvjete, a u cilju sticanja dobiti i provedbe društvenog interesa. -----

Članak 11.

Poduzeće ne može vršiti promjene sjedišta i djelatnosti iz člana 8. ove Odluke bez suglasnosti Osnivača. -----

Obim i kvalitet obavljanja registrovanih djelatnosti, planira preduzeće svojim planovima i programima rada uz prethodnu suglasnost Osnivača. -----

V UPRAVLJANJE

Članak 12.

Osnivač upravlja Poduzećem preko organa upravljanja u Javnom Poduzeću u skladu sa Zakonom. -----

Organi poduzeća su: -----

- Skupština, -----
- Nadzorni odbor, -----
- Uprava, kao organi upravljanja, i -----
- Odbor za reviziju. -----

SKUPŠTINA**Članak 13.**

Poduzećem upravlja osnivač preko Skupštine, a ovlaštenja Skupštine vrši Općinsko vijeće Općine Žepče.-----

Skupština obavezno razmatra i odlučuje o sljedećim pitanjima: -----

- donosi Statut poduzeća kojim se utvrđuje djelokrug nadležnosti Općinskog vijeća kao skupštine Poduzeća sukladno Zakonu.
- osnivanju drugih poduzeća, -----
- donošenju plana poslovanja, investiranja i trajne poslovne saradnje sa drugim poduzećima, -----
- donošenju etičkog kodeksa i drugih poslovnika na prijedlog Nadzornog odbora,
- imenuje i razriješava Nadzornog odbor, -----
- godišnjem obračunu, raspodjeli dobiti i pokriću gubitaka, -----
- usvaja godišnji izvještaj poduzeća koji uključuje finansijski izvještaj i izvještaje revizora, Nadzornog odbora i Odbora za reviziju, -----
- promjeni oblika i podjeli poduzeća, -----
- naknadama članova Nadzornog odbora i Odbora za reviziju, -----
- imenovanju članova Odbora za reviziju na prijedlog Nadzornog odbora,
- cijenama proizvoda i usluga, -----
- ostalim pitanjima u skladu sa Zakonom o privrednim društvima, Zakonom o javnim poduzećima i Statutom poduzeća. -----

Nadzorni odbor**Članak 14.**

Nadzorni odbor poduzeća sastoji se od 3 člana uključujući i predsjednika, koje na osnovu Zakona imenuje Skupština poduzeća.-----

Članovi Nadzornog odbora biraju se iz reda osoba izvan ovog poduzeća. -----

Članove Nadzornog odbora bira i imenuje Osnivač sukladno Zakonu o ministarskim, vladinim i drugim imenovanjima u FBiH i Zakonu o sukobu interesa u institucijama vlasti Bosne i Hercegovine.-----

Djelokrug rada Nadzornog odbora bliže će se utvrditi Statutom Poduzeća.

Direktor poduzeća ne može biti član Nadzornog odbora.-----

Članak 15.

Nadzorni odbor poduzeća ima sljedeće nadležnosti:-----

- nadzire rad Uprave, -----
- nadzire poslovanje poduzeća, -----
- priprema poslovničke i predlaže ih Skupštini, -----
- priprema etički kodeks i predlaže ga Skupštini, -----
- vrši izbor kandidata Odbora za reviziju i podnosi prijedlog Skupštini za njegovo imenovanje, -----
- daje mišljenje Skupštini o prijedlogu Uprave za raspodjelu dobiti, -----
- imenuje i razriješava članove Uprave u skladu sa poslovniciama i drugim propisima,
- razmatra provedbene propise iz oblasti javnih nabavki i njihovu primjenu,
- daje pisane saglasnosti za aktivnosti koje su ograničene Zakonom o Javnim poduzećima, -----

- vrši i druge poslove u skladu sa Zakonom, Statutom preduzeća, odlukama Skupštine i drugim općim aktima.-----

Uprava poduzeća

Članak 16.

Funkciju uprave poduzeća obavlja Direktor poduzeća koji zastupa i predstavlja poduzeće bez ograničenja ovlaštenja u okviru registrirane djelatnosti.-----

Direktora društva bira i postavlja Nadzorni odbor na mandatni period od četiri godine.

Uvjeti, način i postupak izbora direktora utvrdit će se Statutom poduzeća-----

U okviru svoje funkcije predstavljanja i zastupanja, Direktor može drugom licu dati svoju punomoć koja je neprenosiva. -----

Članak 17.

Ako pri objavljenom javnom natječaju nije moguće izvršiti izbor i imenovanje direktora poduzeća, kao i u drugim hitnim i opravdanim slučajevima, Nadzorni odbor može izvršiti imenovanje vršioca dužnosti direktora. -----

Članak 18.

Za Direktora poduzeća, ne može biti imenovana osoba koja obavlja funkciju u političkim strankama. -----

Članak 19.

Direktor poduzeća zastupa i predstavlja poduzeće, organizuje i rukovodi radom u poduzeću, vodi poslovanje preduzeća, predlaže program rada i plan razvoja poduzeća i provodi mjere za njihovo provođenje, podnosi izvještaje o poslovanju, podnosi prijedlog o raspodjeli dobiti, podnosi prijedlog o saniranju gubitaka u poslovanju, predlaže unutrašnju organizaciju, odlučuje o prijemu radnika u radni odnos i njihovim pravima iz radnog odnosa, vrši i druge poslove u skladu sa Zakonom, Statutom poduzeća i drugim općim aktima. -----

Odbor za reviziju

Članak 20.

Odbor za reviziju broji 3 člana koje nakon provedenog postupka, na prijedlog Nadzornog odbora imenuje Skupština. -----

Za člana odbora za reviziju ne može biti imenovano lice koje ima finansijski i drugi interes u poduzeću.-----

Odbor za reviziju je dužan izvršiti reviziju polugodišnjih i godišnjih obračuna i reviziju finansijskog poslovanja poduzeća i o tome izvjestiti Osnivača i Nadzorni odbor u roku od 8 dana od dana okončanja revizije, a druga bliža pitanja odredit će se Statutom poduzeća. ----

Članak 21.

Odbor za reviziju nadležan je:-----

- imenovati nezavisnog revizora,-----
- razmotriti godišnju studiju rizika i plan revizije u kojima su prikazane pojedine aktivnosti u pogledu rizičnih područja i revizija koja će se izvršiti, te osigurati da prijavljena pitanja budu bez odlaganja i na odgovarajući način korigovana,

- osigurati da interne kontrole u poduzeću budu adekvatne i da funkcionišu na način kako je to određeno, -----
- podnositi Nadzornom odboru sažete mjesečne izvještaje o svojim sastancima svakog mjeseca, -----
- obavlja i druge poslove a na osnovu Zakona, Statuta i drugih općih akata. -----

Članak 22.

Direktor poduzeća je dužan i odgovoran za primjenu preporuka Odbora za reviziju u rokovima koje za njihovu realizaciju utvrdi Odbor za reviziju. Direktor poduzeća može prenijeti ovu dužnost ali je i dalje odgovoran za realizaciju preporuka. -----

Organi upravljanja poduzećem i Direktor poduzeća, dužni su surađivati sa članovima Odbora za reviziju te učiniti dostupnim sve dokumente te finansijske i računovodstvene iskaze na zahtjev Odbora. -----
Odbor za reviziju odgovara Skupštini poduzeća. -----

Članak 23.

Nezavisni revizor podnosi godišnji izvještaj o izvršenoj reviziji i objavljuje ga na internet stranici poduzeća ili Osnivača. -----

Članak 24.

Ukoliko broj uposlenika u poduzeću prelazi 50, formirat će se Odjel za internu reviziju koji će obavljati poslove utvđene Zakonom o Javnim poduzećima. -----

VI MEĐUSOBNA PRAVA I OBEVEZE OSNIVAČA I PODUZEĆA

Članak 25.

Međusobna prava i obaveze Osnivača i poduzeća, regulisana su Zakonom i ovom Odlukom a odnose se na: -----

- donošenje razvojnih planova, -----
- obezbjeđivanje sredstava za rad, -----
- imenovanje organa upravljanja, -----
- način formiranja cijena proizvoda i usluga, -----
- izradu programa sanacije gubitaka, izvještavanje o poslovanju, -----
- utvrđivanje mjera za prevazilaženje stanja u poremećenom pružanju usluga iz osnovne djelatnosti, -----
- podjelu dobiti, -----
- promjenu naziva, sjedišta, djelatnosti i statusa poduzeća, -----

Međusobna prava i obaveze, mogu biti regulisana i Statutom preduzeća, ugovorom i drugim općim aktima. -----

Članak 26.

U regulisanju i ostvarivanju međusobnih prava i odnosa između Osnivača i poduzeća, Osnivača predstavlja i zastupa Općinski načelnik. -----

Za regulisanje pojedinih pitanja, Općinski načelnik može zatražiti mišljenje ili suglasnost Općinskog vijeća. -----

VII ODGOVORNOST ZA VRŠENJE DJELATNOSTI

Članak 27.

Općina Žepče, u svojstvu Osnivača, zadržava pravo kontrole ispunjavanja javnih interesa i zadataka zbog kojih je poduzeće osnovano, racionalnosti poslovanja, namjenskog trošenja sredstava i poslovnog uspjeha. -----

Kontrola, navedena u stavu 1. ovog člana, ostvarivat će se podnošenjem i razmatranjem godišnjeg izvještaja o poslovanju poduzeća i izvještaja koje će poduzeće podnositi na zahtjev Osnivača. -----

Članak 28.

Poduzeće, prema Osnivaču ima i sljedeće obaveze:-----

- najmanje jednom godišnje izvještava Osnivača o stanju pružanja usluga te stanju djelatnosti za koje je osnovano, -----
- podnosi izvještaj o problematici poslovanja i odnosima sa korisnicima usluga najmanje jednom godišnje, -----
- dostavlja akte na koje se daje saglasnost Osnivača. -----

Članak 29.

U slučaju poremećaja poslovanja poduzeća, Osnivač ima pravo poduzimanja mjera koje će osigurati uslove za nesmetano funkcionisanje istog, određene Zakonom, Statutom, te Odlukama i zaključcima Općinskog vijeća. -----

Članak 30.

U pravnom prometu sa trećim licima, u okviru registrovane djelatnosti, Poduzeće posluje bez ograničenja. -----

Za obaveze nastale u pravnom prometu, **poduzeće** odgovara cjelokupnom svojom imovinom. -----

Osnivač ne odgovara za obaveze poduzeća. -----

VIII NAČIN FINANSIRANJA PODUZEĆA I FORMIRANJA CIJENA

Članak 31.

Osnivač osigurava uvjete za redovno i normalno vršenje djelatnosti i uspješno, ekonomično i rentabilno poslovanje Javnog komunalnog poduzeća. -----

Osnivač osigurava potrebna financijska i materijalna sredstva za obavljanje djelatnosti zajedničke i komunalne potrošnje. -----

Za obavljanje djelatnosti vršenja pojedinačne (individualne) komunalnih usluga korisnicima tih usluga građanima, poslovnim i drugim subjektima, potrebna financijska sredstva za vršenje tih usluga osiguravaju se iz cijene tih usluga koju plaćaju korisnici tih usluga.-----

Članak 32.

Cijene komunalnih usluga utvrđuje Nadzorni odbor u skladu sa Zakonom i ekonomskim kriterijima, uz suglasnost nadležnog organa osnivača.-----

U skladu sa nadležnošću i ovlaštenjem nadležnog organa osnivača davanja suglasnosti na utvrđene cijene, osnivač snosi puni rizik i odgovornost za ekonomske rezultate poslovanja Javnog komunalnog poduzeća, a koji su nastali ne odobravanjem ekonomskih cijena komunalnih usluga od strane nadležnog organa Osnivača. -----

Članak 33.

Iz cijena komunalnih usluga zajedničke i individualne komunalne potrošnje osiguravaju se sredstva za pokriće ukupnih troškova i rashoda poslovanja Javnog komunalnog poduzeća i za unapređenje postojećih komunalnih objekata i uređaja prema normativima i standardima u komunalnim djelatnostima. -----

Članak 34.

U slučaju da Javno komunalno poduzeće ostvari gubitak u poslovanju, osnivač je dužan da sanirana nastali gubitak uz utvrđivanje uzroka i razloga nastalog gubitka i preduzimanje odgovarajućih mjera za otklanjanje tih uzroka. -----

Gubitak koji je uzrokovan nerealnim i neekonomskim cijenama komunalnih usluga izmirit će se utvrđivanjem i odobravanjem realnih ekonomskih cijena komunalnih usluga u sljedećoj poslovnoj godini. -----

Na temelju financijskog rezultata polugodišnjeg obračuna poslovanja, ako je negativan uprava je obavezna obavjestiti osnivača i predložiti mjere za otklanjanje uzroka negativnog poslovanja. -----

Na temelju rezultata financijskog poslovanja po godišnjem obračunu (završnom računu) ako je negativan, uprava je obavezna najkasnije do 31.03. tekuće poslovne godine obavjestiti osnivača i sačiniti detaljnu analizu uzroka negativnog poslovanja i predložiti potrebne mjere za otklanjanje uzroka negativnog poslovanja i načina saniranja gubitka. -----

Članak 35.

Osnovni kapital Javnog poduzeća čine vrijednosti materijalnih i novčanih sredstava sa stanjem popisa sredstava, obveza i potraživanja na dan 31.12.2005. a sastoje se od sljedećih sredstava:-----

1. TRAJNA- OSNOVNA SREDSTVA

Trajna – osnovna sredstva čine sljedeća sredstva i financijske vrijednosti tih sredstava:

-Građevinsko zemljište u iznosu od

64.138.76 KM

-Građevinski objekti (upravna zgrada, zgrada magacina, dovodni

cjevovodi sa zahvatnim objektima, rezervoari za vodu, objekta filter postrojenja za prečišćavanje vode, gradska razvodna vodovodna mreža, gradska toplovodna mreža, građevinski prostori toplovodnih podstanica, kanalizaciona mreža i drugi građevinski objekti) u iznosu od	1.591.687,73 KM
-Oprema (oprema filter postrojenja za prečišćavanje vode, oprematoplovodnih podstanica, motorna cestovna vozila, građevinski strojevi, uredski namještaj i oprema, tržišni stolovi i dr.) u iznosu od	1.082.498,29 KM

UKUPNO TRAJNA – OSNOVNA SREDSTVA
Vrijednost na dan 31.12.2005. godine iznosi 2.738.324,78 KM

2. OBRTNA MATERIJALNA SREDSTVA

Obrtna materijalna sredstva čine sljedeća sredstva i financijske vrijednosti	
- razni reprodukcijski materijal i dijelovi za vodovod, toplovod kanalizaciju i prečišćavanje vode u iznosu od	99.902,77KM
-sitan inventar (razni sitni alati i strojevi, uredski sitan inventar i pribor) u iznosu od	10.763,58KM
UKUPNO OBRTNA MATERIJALNA SREDSTVA na dan 31.12.2005.	110.666,35 KM

3. NOVČANA SREDSTVA NA RAČUNIMA KOD BANAKA

Novčana sredstva na računima banaka Zagrebačke banke i Raiffeisen banke Pj Žepče na dan 31.12.2005 iznosila su 70.497,09KM

4. NOVČANA SREDSTVA U BLAGAJNI

Novčana sredstava u blagajni na dan 31.12.2005 godine iznosila su 5.710,00KM
Stanje novčanih sredstava na računima kod banaka i u blagajni svakodnevno se mijenja.

5. POTRAŽIVANJA OD KUPACA I DRUGA POTRAŽIVANJA

Potraživanja od kupaca i druga potraživanja na dan 31.12.2005. godine iznosila su	579.629,82KM
Stanje potraživanja od kupaca svakodnevno se mijenja.	
Sumnjiva i sporna potraživanja sa 31.12.2005 godine	264.232,58KM

6. OBAVEZE PREMA DOBAVLJAČIMA U ZEMLJI I DRUGE OBAVEZE

Obaveze prema dobavljačima u zemlji i druge obaveze na dan 31.12. 2005. godine iznosile su	68.430,59KM
Obaveze prema dobavljačima i druge obaveze svakodnevno mijenjaju stanje tih obaveza.	

7. ISPRAVKA VRIJEDNOSTI POTRAŽIVANJA OD KUPACA I DOMAĆINSTAVA

Ispravka vrijednosti potraživanja od kupaca i domaćinstava sa stanjem na dan 31.12.2005. godine iznosi	274.412,75KM
--	--------------

8. OSNOVNI KAPITAL

Osnovni kapital javnog poduzeća iznosi:	
-u novcu	2000, 00 KM

-u stvarima sa stanjem popisa na dan 31.12.2005 godine iznosi	3.425.648,10 KM
Ukupno:	3.427.648,10KM

IX RASPODJELA DOBITI

Članak 36.

Prilikom odlučivanja o iznosu koji može biti raspoređen kao dobit, Uprava će voditi računa o preporukama Odbora za reviziju, ukupnim finansijskim obavezama preduzeća u finansijskoj godini na koju se raspodjela odnosi, uključujući i iznos neto dobiti potrebne poduzeću u toj finansijskoj godini za realizaciju bilo kojeg zadatka iz plana poslovanja, kao i iznos kapitalnih izdataka te drugih investicija neophodnih za pravilno održavanje i rast poduzeća. -----

Članak 37.

Odluku o raspodjeli dobiti, donosi Skupština na obrazložen prijedlog uprave, uz prethodno pribavljeno mišljenje Odbora za reviziju i Nadzornog odbora. -----

X SANACIJA GUBITAKA

Članak 38.

U slučaju da poduzeće, obavljajući poslove registrovanih djelatnosti ostvari gubitak u poslovanju, Osnivač i poduzeće ravnopravno analiziraju uzroke nastalog poremećaja i poduzimaju zajednički mjere za otklanjanje uzroka. -----

Ukoliko se utvrdi da je gubitak nastao iz objektivnih razloga, Osnivač i poduzeće su dužni osigurati sredstva za saniranje poslovnog gubitka. -----

Ukoliko se utvrdi da je gubitak nastao iz subjektivnih razloga, unutarnjim poremećajima u poduzeću, Osnivač će poduzeti odgovarajuće mjere za prevazilaženje nastalog stanja. -----

- Pored navedenih mjera, Osnivač ima pravo i nadležnosti izvršiti smjenjivanje organa upravljanja, imenovati privremene organe i provesti javni natječaj za izbor i imenovanje organa. -----

XI UNUTRAŠNJA ORGANIZACIJA

Članak 39.

Poduzeće je jedinstven pravni subjekat, organizovan na principima kojima se osigurava izvršavanje poslova registrovanih djelatnosti, efikasno upravljanje i uspješnost u radu. -----

Članak 40.

Unutrašnja organizacija poduzeća, bliže će biti uređena Statutom poduzeća i Općim aktom o unutrašnjoj organizaciji. -----

XII JAVNOST RADA

Članak 41.

Poduzeće će osigurati da njegov rad bude dostupan javnosti. -----

U cilju provedbe Zakona o slobodi pristupa informacijama, poduzeće će donijeti i odgovarajuće akte. -----

XIII NAČIN PRESTANKA POSTOJANJA PREDUZEĆA

Članak 42.

Poduzeće može prestati sa radom:-----

- odlukom osnivača, -----
- ako ne ispunjava zakonom propisane uvjete za obavljanje djelatnosti, odlukom nadležnog organa, -----
- u drugim slučajevima predviđenim zakonom.-----

Članak 43.

U slučaju prestanka postojanja poduzeća, imovina koja preostane nakon podmirenja obaveza, vraća se Osnivaču. -----

XIV PRELAZNE I ZAVRŠNE ODREDBE

Članak 44.

Ova Odluka je osnov za upis usklađivanja statusa poduzeća u registar Općinskog suda u Zenici i stupanjem na snagu iste prestaje važnost Odluke , broj: 01-25-42/06 od 23.05.2006. godine. -----

Članak 45.

Prijavu za upis usklađivanja statusa preduzeća podnijet će notar. -----

Članak 46.

Izmjene i dopune ove Odluke, vrše se na način kako je i donesena, a iste može vršiti i osnivač. -----

Članak 47.

Poduzeće će u roku od 30 dana od dana stupanja na snagu ove Odluke donijeti Statut Javnog preduzeća.-----

Donošenje drugih općih akata od značaja za rad poduzeća, uredit će se Statutom poduzeća. -----

Članak 48.

Ova odluka stupa na snagu osmog dana od dana objavljivanja u «Službenom glasniku Općine Žepče.»-----

Članak 49.

Punomoćnik Osnivača izričito izjavljuje da je notar po osnovu ove Odluke ovlašten da, ukoliko je to potrebno za provođenje u Registru privrednih društava, mijenja i ispravlja njene pojedine odredbe.

Ova odredba posebno podrazumijeva saglasan pristanak stranke i ovlaštenje notaru da po svim primjedbama i zahtjevima ovlaštenog registra, Odluku mijenja i dopunjava ili ispravlja pojedine odredbe koje suštinski ne mijenjaju pravnu prirodu navedenog akta, ali su nužne za potpunu realizaciju i provođenje ove notarski obrađene isprave.

Notar se obavezuje stranku obavjestiti o poduzetim radnjama.

Članak 50.

NOTARSKÉ POUKE I UPOZORENJA:

Notar je stranku poučila i upozorila na slijedeće:

- Da ova Odluka stupa na snagu danom potpisivanja, a pravna dejstva prema trećim licima proizvodi 16. (šesnaesti) dan, od dana objavljivanja Rješenja o izvršenom upisu, u skladu sa članom 53. Zakona o privrednim društvima, a prije toga dana samo prema trećim licima za koje Društvo, na koje se upis odnosi, dokaže da su znala ili mogla znati za podatke i isprave predate u registarski spis ili upisane u registar Društava.
- Da lica koja nastupaju u ime Društva prije upisa u registar Društava, odgovaraju za tako stvorene obaveze, cjelokupnom svojom imovinom, a kada tako nastupa više lica, za obaveze odgovaraju neograničeno solidarno.

Notar je poučila stranku da je obavezna uskladiti Statut Društva sa ovom Odlukom i to u roku od 30 dana od dana upisa promjena u registar Društava.

Sve troškove sačinjavanja ove isprave snosi Poduzeće.

Od ove notarski obrađene isprave dobijaju:

Opravak izvornika:

- Osnivač (1)
- JP „Komunalno“ d.o.o. Žepče (1)
- Registar Društava (1)

Prijepis: JP „Komunalno“ d.o.o. Žepče

Nakon što je izvornik stranci pročitao od strane notara, u skladu sa članom 74. stav 1. točka 5. Zakona o notarima (Sl. novine F BiH br. 45/02), ona ga je slobodnom voljom odobrila i svojeručno potpisala, nakon čega je ovu ispravu potpisala i notar i stavila pečat notara.

ZA OSNIVAČA DRUŠTVA:

Muhammed Jusufović

Muhammed Jusufović
(Predsjedavajući općinskog Vijeća)



Elza Dilber

BOSNA I HERCEGOVINA
FEDERACIJA BOSNE I HERCEGOVINE
Notar
Dilber Elza
Žepče, ulica Stjepana Tomaševića bb

POTVRDA
OTPRAVKA IZVORNIKA

Ja, Elza Dilber, notar sa službenim sjedištem u Žepču, ul. Stjepana Tomaševića bb

POTVRĐUJEM DA:

Ovaj otpravak izvornika u svemu odgovara izvorniku broj: OPU-IP-170/2011 od 17.06.2011. godine, a koji izvornik se čuva kod notara, što notar potvrđuje svojim potpisom i pečatom.

Ovjeren otpravak izvornika izdaje se od strane notara za JP "Komunalno" d.o.o. Žepče

U Žepču, dana 17.06.2011. godine



NOTAR
DILBER ELZA

Elza Dilber, notar